



AUTORIDADE TRIBUTÁRIA
GABINETE DA DIRETORA-GERAL



"Seja um bom cidadão, seja um novo herói para a nossa Nação"

Ofísiu N.º: 27 /II/AT/ 2021

Díli, 10 Fevereiru 2021

Sr. Diretor Jerál

Kordenasaun, Administrasaun, Finansas no Planeamentu (DGCAFP)

Ministériu Turismu, Komérsiu no Indústria

Díli, Timor-Leste.

Asuntu: Pedidu lista empresas no evidénsia pagamentu ba empresas ne'ebé fornese "Cesta Bázika".

Ho respeito,

Autoridade Tributária ("AT") nu'udar entidade administrativa direta Estadu, ne'ebé hamahan an iha Ministériu Finansas, iha reponsabilidade atu jere no arekada impostu no tributu finanseiru sira seluk ba estadu hanesan estabelese ona iha artigu 3.º hosi Dekretu-Lei nú. 31/2019, de 18 de Dezembru.

Iha sorin seluk, Diresaun-Jerál Kordenasaun, Administrasaun, Finansas no Planeamentu ("DGCAFP"), nu'udar servisu sentral husi MTCI ne'ebé iha kompeténsia no responsabilidade asegura orientasaun jerál no mós kordenasaun integra ba servisu hotu iha ministériu nia laran, nomeadamente iha área administrasaun no finansa sira, husi rekolla, arkivu, konservasaun no tratamentu informátiku ba dokumentasaun no mós informasoens hosi empresa sira ne'ebé estabelese ona iha artigu 8.º, nú. 2 al. r) hosi Dekretu - Lei N.º 12 /2019 de 14 de Junho.

Konsidera ba planu hosi VIII Governu Konstitusionál nian hodi implementa programa "Cesta Bázika" ne'ebé hahú ezejuta dezde tinan 2020, hodi fó oportunidade ba empresas lokais no internacionais hodi fornese mersearias ka jénerus alimentísius ba kada uma-kain iha teritóriu Timor-Leste.

Konsidera kompeténsia própria AT nian atu arekada impostu, nune'e mós kontrola ajente ekonómiku sira ne'ebé hala'o atividade empresariál, liu-liu atividades hirak ne'ebé jera rendimentu. Entidade governu sira seluk, liu-liu MTCI (DGCAFP) mós iha obrigasaun atu kontrola atividades hirak refere.

Mof Tower, 8th floor
Ai-tarak Laran, Díli, Timor-Leste
Phone: +670 7400 2085
www.attl.gov.tl



AUTORIDADE TRIBUTÁRIA
GABINETE DA DIRETORA-GERAL



“Seja um bom cidadão, seja um novo herói para a nossa Nação”

Tan ne'e, liuhosi meu ida ne'e **AT** hakarak hato'o pedidu ba S. Exia hodi bele fornese mai **AT** lista empresas ne'ebé fornese hahan ba kada uma-kain liuhosi programa “Cesta Bázika” no resibu pagamentu efetuadu ba empresas ezekutoras ba programa refere.

Objetivu hosi pedidu ida ne'e, atu **AT** identifika empresa sira ne'ebé mak fornese “Cesta Bázika”, hodi sira bele kumpri sira nia dever atu selu impostu rendimentu prestasaun 0,5%. Tan ne'e, atu garante kontrolu ne'ebé mak efisiente, nune'e mós asegura servisu hamutuk no koperasaun di'ak entre **AT** no **MTCI**, maka **AT** mai solisita ba **DGCAFP** atu estabelese tan kritéria ida ba ajente ekonómika ne'ebé fornese “Cesta Bázika” kumpri obrigasaun tributária.

Molok **DGCAFP** prosesa ka efetua pagamentu ruma ba empresas ne'ebé ezekuta programa “Cesta Bázika”, **AT** husu ba **DGCAFP** atu impoin tan kritéria ida hodi rekezita empresa sira atu apresenta uluk evidénsia ka prova katak sira selu ona impostu rendimentu prestasaun ka **installment tax 0,5%**.

Tamba tuir prátika rekorente, dalabarak empresa sira wainhira simu tiha pagamentu ruma hosi Governu, liu-liu programa emerjénsia ruma, sira la kumpri sira nia obrigasaun tributária. Tan ne'e atu asegura reseita ba Estadu no kontrolu ne'ebé efisiente ba empresa sira hodi kumpri sira nia obrigasaun fiskál, **AT** husu **DGCAFP** nia kontribuisaun hodi assisti hela **AT** nia pedidu.

Laiha tan asuntu seluk alein de hein kolaborasaun diak hosi **DGCAFP** nia resposta pozitiva ba ami nia pedidu. Antes ne'e agrade-se wa'in ba **DGCAFP** nia konsiderasaun no kolaborasaun diak.

Sinseramente,



Mónica Rangel da Cruz

Diretora-Jerál no Gabinete da Autoridade Tributária

Mof Tower, 8th floor
Ai-tarak Laran, Díli, Timor-Leste
Phone: +670 7400 2085
www.attl.gov.tl



AUTORIDADE TRIBUTÁRIA
GABINETE DA DIRETORA-GERAL



"Seja um bom cidadão, seja um novo herói para a nossa s'el paiz tua!"

CC : Sra. Regina de Jesus,
Diretora-Jerál Tezouru, Ministériu Finansas

Mof Tower, 8th floor
Ai-tarak Laran, Díli, Timor-Leste
Phone: +670 7400 2085
www.atd.gov.tl